



# SUATEA

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES  
C/ Telesforo Cuevas 2, 1<sup>ª</sup> A dcha. - 33005 - Uviéu. Tfno. 985 274 343. Fax. 985 236 464.  
E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)

---

## **NEL I.E.S. "PANDO" NIEGEN EL DERECHU A DEPRENDER LA LLINGUA ASTURIANA A UN GRUPU DE 1º DE BACHILLER**

SUATEA quier denunciar que nel I.E.S. "Pando", 7 alumnos qu'escoyeron la optativa de Llingua Asturiana en primera opción, atópense, de bones a primeres, con que se-yos niega'l derechu a deprender l'asignatura, desviándolos a otros optatives que nun-yos interesa nin un res. Esti fechu demuestra a les clares un incumplimientu grave de la Llei d'Usu.

Mentantu nun s'eliminen les ratios mínimes pa la constitución de grupos, el drechu a estudiar asturianu sigue condicionáu a la escoyeta de los compañeros y compañeres d'estudios.

Esta situación nun ye nueva, ye un claru exumplu de lo que tá asocediendo nos IES d'Asturies. Nun vendría mal recordar a la inspeición educativa y a la direición de los centros que l'asignatura de Llingua Asturiana y Gallego-Asturiano ye la única que ye d'obligada ufierta y que lo mesmo que los inspeutores de los centros tienen que procurar velar pol cumplimientu de toles lleis educatives, deberien facer los mesmo col accesu al estudiu y conocimientu de la nueva llingua que ye un derechu reconocíu espresamente pola llexislación y qu'ha ser respetáu y garantizáu.

Tal como se tan poniendo les coses dientru de pocos años l'asignatura de Llingua Asturiana y Lliteratura o Gallego-Asturiano, en Secundaria, desaparecerá.

Sicasí, ye evidente qu'esti conflictu ñaz pola situación d'indefensión y desprotección arreyaes a la condición de non oficial de la llingua. Si queremos llograr que l'asturianu tea presente nes escuelas d'Asturies en condiciones dignes y de normalidá ye necesariu que se-y dea a la nueva llingua'l rangu llegal que yá tienen el restu les llingües del Estáu: la oficialidá.

La reforma del estatutu d'Autonomía tendría que contemplar la oficialidá del asturianu y del gallego asturiano nel so ámbito pa dexar de ser una materia de segundu orden nel nuesu ordenamientu educativu.

Alentamos al profesoraú y a tola comunidá educativa a denunciar tolos casos de represión llingüística colos que s'atopen, ya que ye la única mena de dir solucionando los problemas. Nel sindicatu tamos a la vuesa disposición.

N'Uviéu a 8 d'Ochobre de 2007.